

**Parlamentarna skupština Bosne i Hercegovine, Sekretarijat**, Trg Bosne i Hercegovine broj 1, 71 000 Sarajevo, koju zastupaju članovi Kolegija Sekretarijata Parlamentarne skupštine Bosne i Hercegovine: Mirza Imamović, Gordana Živković i Dražen Mustapić (u daljnjem tekstu: nosilac prakse), s jedne strane

i

**Sveučilište u Mostaru**, Trg hrvatskih velikana 1, 88 000 Mostar, koje zastupa rektor prof.dr.sc. Zoran Tomić (u daljnjem tekstu: Sveučilište), s druge strane

zaključili su dana 6. 2. 2025. godine

## UGOVOR O OBAVLJANJU STUDENTSKE PRAKSE

### Član 1.

1) Nosilac prakse i Sveučilište, uvažavajući važnost upotpunjavanja teoretskog znanja praktičnim, ovim ugovorom potvrđuju potrebu i spremnost na zajedničko djelovanje s ciljem podizanja kvaliteta obrazovnog i stručnog rada koje se realizira u vidu studentske prakse kod nosioca prakse.

2) Predmet ovog ugovora je organizacija obavljanja neplaćene studentske prakse, u skladu sa Zakonom o visokom obrazovanju, aktima Sveučilišta i drugim zakonskim i podzakonskim aktima kojima se regulira ova oblast.

### Član 2.

1) Sveučilište će, počevši od akademske 2024/25. godine, nosiocu prakse upućivati redovne studente završne godine prvog ciklusa studija, radi obavljanja studentske prakse kod nosioca prakse.

2) Sveučilište se obavezuje da će izbor i selekciju studenata iz stava 1) ovog člana izvršiti na osnovu visokih moralnih i ličnih vrijednosti, visoko postignutog uspjeha u dosadašnjem školovanju te drugih kriterija prema uputama nosioca prakse.

3) Sveučilište se obavezuje da će dostaviti na odobrenje nosiocu prakse popis zainteresiranih studenata, te predložiti trajanje i period obavljanja studentske prakse.

4) Sveučilište i nosilac prakse odredit će po jednog zaposlenog koji će korespondirati i koordinirati obavljanjem studentske prakse.

### Član 3.

1) Nosilac prakse obavezuje se da će izabranim studentima osigurati uslove stručnog osposobljavanja, uključivanja studenata u radno okruženje i praktičan rad, u skladu s internim aktima nosioca prakse i važećim zakonskim propisima. Nosilac prakse će za svakog studenta koji obavlja praksu odrediti mentora, u skladu s poslovima koje će student obavljati.

2) Nosilac prakse obavezuje se da će po završetku prakse izdati potvrdu o uspješno odnosno neuspješno obavljenoj praksi, koju će potpisati ovlašteno lice nosioca prakse.

3) Nosilac prakse će, bez odgađanja, studenta koji krši interne akte nosioca prakse i važeće zakonske propise udaljiti s prakse i o tome obavijestiti Sveučilište.

#### Član 4.

1) Ugovorne strane obavezuju se da povjerljive podatke o poslovanju druge ugovorne strane neće učiniti dostupnim trećim, osim ako to od njih na zakonom propisani način zatraže nadležni državni organi.

2) U slučaju povrede obaveze iz stava 1) ovog člana, ugovorne strane obavezuju se nadoknaditi svu štetu.

#### Član 5.

Svaka strana može odlučiti da raskine ovaj ugovor u bilo kojem trenutku, o čemu treba pismeno obavijestiti drugu stranu. Ugovorne obaveze prestaju u roku od osam dana nakon pismenog raskida ugovora.

#### Član 6.

1) Ugovorne strane su saglasne da će sve eventualne sporove proistekle iz ovog ugovora rješavati sporazumno u duhu dobrih poslovnih odnosa.

2) Na prava i obaveze ugovornih strana koja nisu uređena ovim ugovorom primjenjuju se odgovarajuće odredbe Zakona o obligacionim odnosima.

#### Član 7.

Odredbe ovog ugovora mogu se mijenjati samo uz obostranu saglasnost ugovornih strana i isključivo u pismenoj formi.

#### Član 8.

Ovaj ugovor sačinjen je u četiri istovjetna primjerka, od kojih nosilac prakse zadržava dva i Sveučilište dva primjerka.

Za nosioca prakse:  
Kolegij Sekretarijata

Mirza Imamović  
Gordana Živković  
Dražen Mustapić

Broj: 03-34-1-372/25  
Sarajevo, 6. 2. 2025.



Za Sveučilište  
rektor

prof.dr.sc. Zoran Tomić

Ur. broj: 01-734/25  
Sarajevo, 6. 2. 2025.